



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 408 888; Fax: 033 408 881
E-mail: nasastranka@nasastranka.ba
Web: www.nasastranka.ba

Broj: _____/19
Sarajevo, 23.01.2019.

Skupština Kantona Sarajevo
Zastupnica Neira Dizdarević
Naša stranka

**BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
MINISTARSTVO ZDRAVSTVA KS
n/r predsjedavajući Elmedin Konaković**

PREDMET: ZASTUPNIČKO PITANJE

Poštovani,

na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br.: 41/12, 15/13, 47/13, 47/15 i 48/16) upućujem zastupničko pitanje Ministarstvu zdravstva Kantona Sarajevo:

Sredinom 2018. godine prihvaćena je inicijativa Naše stranke i Zavod zdravstvenog osiguranja Kantona Sarajevo je uvrstio u posebne programe zdravstvene zaštite terapiju za oboljele od celijakije – poremećaja koji obilježava trajna nepodnošljivost glutena.

Oboljelima od celijakije potreban je selektivan režim prehrane koji podrazumijeva isključivanje svih namirnica koje sadrže i najmanju količinu glutena – bjelančevine koja se nalazi u većini žitarica, tako da nepridržavanje vodi ozbiljnom ugrožavanju zdravlja, čak sa smrtnim ishodom.

Osobe oboljele od celijakije dobijaju 10 kg bezglutenskog brašna mjesečno na recept. S obzirom da je procedura podjele brašna, koje predstavlja lijek za ove pacijente, komplikovana i neefikasna - oboljele osobe trebaju uzeti uputnicu od porodičnog ljekara za Kliniku za gastroenterohepatologiju KCUS-a, odnosno Pedijatrijsku kliniku KCUS-a ako je riječ o djeci, gdje će im ljekari propisati recepte. S receptom odlaze u apoteku gdje preuzimaju brašno. Prema mojim informacijama pacijenti su dobili pripadajuće količine za mjesec avgust, i tek trebaju dobiti za septembar. a u slučaju spriječenosti da dodju po recept na KCUS, recept propada. Iz navedenih razloga molim Ministarstvo zdravstva KS da preispita ove procedure i po mogućnosti iste skрати i ubrza.

S poštovanjem,